



Broj: 01/1-50-1-1-83/09  
Sarajevo, 30.10. 2009. godine

## Z A P I S N I K

### 83. sjednice Ustavnopravne komisije

Sjednica je održana 30. 10. 2009., s početkom u 10 sati.

Sjednici su prisustvovali članovi Komisije: Šefik Džaferović, Halid Genjac, Adem Huskić, Drago Kalabić, Ekrem Ajanović i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Fazila Musić, Milana Popadić i Bojan Ninković, Ministarstva komunikacija i saobraćaja BiH Kojo Koprivica, poslanik Denis Bećirović, OSCE-a Amra Zorlak, iz Zakonodavno-pravnog sektora PSBiH Aida Kreho i Alma Salkić-Mijić te iz Sektora za odnose s javnošću PSBiH Medina Delalić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

## D N E V N I R E D

1. Usvajanje Zapisnika 81. sjednice, održane 12.10.2009., i Zapisnika 82. sjednice, održane 14.10.2009.;
2. Prijedlog zakona o izmjenama i dopunama Zakona o komunikacijama, predlagač: Vijeće ministara BiH (**usklađenost sa Ustavom i pravnim sistemom BiH, u skladu s članom 103. Poslovnika Doma**);
3. Prijedlog zakona o izmjenama i dopunama Zakona o Javnom radiotelevizijskom servisu BiH, predlagač: Vijeće ministara BiH (**usklađenost sa Ustavom i pravnim sistemom BiH, u skladu s članom 103. Poslovnika Doma**);
4. Prijedlog zakona o izmjenama i dopunama Zakona o Javnom radiotelevizijskom sistemu BiH, predlagač: Vijeće ministara BiH (**usklađenost sa Ustavom i pravnim sistemom BiH, u skladu s članom 103. Poslovnika Doma**);
5. Prijedlog zakona o dopunama Zakona o reviziji institucija BiH, predlagač: poslanik Momčilo Novaković (**usklađenost sa Ustavom i pravnim sistemom BiH, u skladu s članom 103. Poslovnika Doma**);
6. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković (**usklađenost sa Ustavom i pravnim sistemom BiH, u skladu s članom 103. Poslovnika Doma**);
7. Prijedlog zakona o dopuni Zakona o državnoj službi u institucijama BiH, predlagač: poslanik Momčilo Novaković (**usklađenost sa Ustavom, pravnim sistemom BiH i principi, u skladu s čl. 103. i 104. Poslovnika Doma**);
8. Prijedlog zakona o dopuni Zakona o Vijeću ministara BiH, predlagač: poslanik Momčilo Novaković (**usklađenost sa Ustavom, pravnim sistemom BiH i principi, u skladu s čl. 103. i 104. Poslovnika Doma**);
9. Prijedlog zakona o Ustavnom sudu BiH, predlagač: poslanik Momčilo Novaković (**usklađenost s Ustavom, pravnim sistemom BiH i principi, u skladu s čl. 103. i 104. Poslovnika Doma**);
10. Prijedlog zakona o učeničkom i studentskom standardu u BiH, predlagač: poslanik Denis Bećirović (**usklađenost sa Ustavom, pravnim sistemom BiH i principi, u skladu s čl. 103. i 104. Poslovnika Doma**);
11. Prijedlog zakona o izmjenama i dopunama Zakona o upravi, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
12. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);

**13. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma).**

**Ostala pitanja:** Urgencija Predstavničkog doma za dostavljanje odgovora na poslaničko pitanje Nike Lozančića upućenog Ustavnoj komisiji na 9. sjednici Predstavničkog doma, održanoj 23.5.2007. (**razmatranje zahtjeva u skladu s članom 156. Poslovnika Doma**).

**Ad.1. Usvajanje Zapisnika 81. sjednice, održane 12.10.2009., i 82. sjednice, održane 14.10.2009.** S obzirom da nije bilo rasprave, Komisija je jednoglasno usvojila zapisnike 81. i 82. sjednice.

**Ad.2. Prijedlog zakona o izmjenama i dopunama Zakona o komunikacijama, predlagač: Vijeće ministara BiH (usklađenost s Ustavom i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

**Ad.3. Prijedlog zakona o izmjenama i dopunama Zakona o Javnom radiotelevizijskom servisu BiH, predlagač: Vijeće ministara BiH (usklađenost sa Ustavom i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

**Ad.4. Prijedlog zakona o izmjenama i dopunama Zakona o Javnom radiotelevizijskom sistemu BiH, predlagač: Vijeće ministara BiH (usklađenost sa Ustavom i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

**Ad.5. Prijedlog zakona o dopunama Zakona o reviziji institucija BiH, predlagač: poslanik Momčilo Novaković (usklađenost sa Ustavom i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

**Ad.6. Prijedlog zakona o izmjeni Zakona o osnovama sigurnosti saobraćaja na putevima u BiH, predlagač: poslanik Momčilo Novaković (usklađenost sa Ustavom i pravnim sistemom BiH, u skladu s članom 103. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

**Ad.7. Prijedlog zakona o dopuni Zakona o državnoj službi u institucijama BiH, predlagač: poslanik Momčilo Novaković (usklađenost sa Ustavom, pravnim sistemom BiH i principi, u skladu s čl.103 i 104. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Šefik Džaferović, Adem Huskić i Halid Genjac.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

Ustavnopravna komisija jednoglasno je podržala principe Prijedloga zakona o dopuni Zakona o državnoj službi u institucijama BiH.

Komisija se opredijelila da podrži principe ovog prijedloga zakona jer smatra da pitanje odgovornosti povodom negativnih revizorskih izvještaja treba dići na viši nivo.

Komisija također smatra da ponuđena rješenja nisu do kraja razradila upotrebu ovog mehanizma i da će biti potrebno djelovati na Prijedlog zakona u amandmanskoj fazi.

**Ad.8. Prijedlog zakona o dopuni Zakona o Vijeću ministara BiH, predlagač: poslanik Momčilo Novaković (usklađenost sa Ustavom, pravnim sistemom BiH i principi, u skladu s čl. 103 i 104. Poslovnika Doma)**

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

Ustavnopravna komisija jednoglasno je podržala principe Prijedloga zakona o dopuni Zakona o Vijeću ministara BiH.

Komisija se opredijelila da podrži principe ovog prijedloga zakona jer smatra da pitanje odgovornosti povodom negativnih revizorskih izvještaja treba dići na viši nivo.

Komisija također smatra da ponuđena rješenja nisu do kraja razradila upotrebu ovog mehanizma i da će biti potrebno djelovati na Prijedlog zakona u amandmanskoj fazi.

**Ad.9. Prijedlog zakona o Ustavnom sudu BiH, predlagač: poslanik Momčilo Novaković (usklađenost sa Ustavom, pravnim sistemom BiH i principi, u skladu s čl. 103. i 104. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković, Šefik Džaferović, Adem Huskić i Ekrem Ajanović.

Komisija je nakon rasprave, dva glasa „za“, četiri „protiv“ i bez „suzdržanih“ glasova, utvrdila da ne postoji valjan ustavnopravni osnov za donošenje ovog zakona, te da Prijedlog zakona nije usklađen sa Ustavom BiH i pravnim sistemom BiH.

Ustavnopravna komisija, s dva glasa „za“, četiri „protiv“ i bez „suzdržanih“ glasova, nije podržala principe Prijedloga zakona o Ustavnom sudu BiH.

Komisija u obrazloženju negativnog mišljenja o principima predloženog zakona ističe da Prijedlog zakona sadrži rješenja koja su suprotna članu 6. Ustava BiH.

**Ad.10. Prijedlog zakona o učeničkom i studentskom standardu u BiH, predlagač: poslanik Denis Bećirović (usklađenost sa Ustavom, pravnim sistemom BiH i principi, u skladu s čl. 103. i članom 104. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković i Ekrem Ajanović, te poslanik Denis Bećirović.

Komisija je nakon rasprave, sa četiri glasa „za“, dva „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje ovog zakona;
- je prijedlog zakona usklađen sa Ustavom i pravnim sistemom BiH.

Ustavnopravna komisija je, sa četiri glasa „za“, dva „protiv“ i bez „suzdržanih“ glasova, podržala principe Prijedloga zakona o učeničkom i studentskom standardu u BiH.

**Ad.11. Prijedlog zakona o izmjenama i dopunama Zakona o upravi, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Adem Huskić, Šefik Džaferović, Halid Genjac i Ekrem Ajanović, te predstavnica Ministarstva pravde BiH Fazila Musić.

Komisija je nakon rasprave, s jednim glasom „za“, četiri „protiv“ i jednim „suzdržanim“ glasom, odlučila:

- da ne prihvati tekst Prijedloga zakona o izmjenama i dopunama Zakona o upravi;
- da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Komisija negativno mišljenje o predloženom zakonu u cijelini obrazlaže stavom da izmjene pojedinih odredbi Zakona o upravi sadrže neprihvatljiva rješenja.

**Ad.12. Prijedlog zakona o izmjenama i dopunama Zakona o krivičnom postupku BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)**

Predsjedavajući je otvorio raspravu u kojoj su učestvovali članovi Komisije: Momčilo Novaković i Halid Genjac, te predstavnica Ministarstva pravde BiH Milana Popadić.

Komisija je nakon rasprave, sa četiri glasa „za“, bez glasova „protiv“ i dva „suzdržana“ glasa:

- prihvatila tekst Prijedloga zakona o izmjenama i dopunama Zakona o krivičnom postupku BiH i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

**Ad.13. Prijedlog zakona o izmjenama i dopunama Zakona o ministarstvima i drugim organima uprave BiH, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma)**

Nakon rasprave Komisija je, s pet glasova „za“, jednim „protiv“ i bez „suzdržanih“ glasova, odlučila da od Kolegija Doma traži produženje roka za dostavljanje izvještaja, zbog toga što je potrebno da se otklone nomotehničke greške u predloženim amandmanima, odnosno da se razmotre pojedina rješenja ponuđena u predloženim amandmanima, te da se pribavi stav predlagača zakona.

**Ostala pitanja: Urgencija Predstavničkog doma za dostavljanje odgovora na poslaničko pitanje Nike Lozančića, upućenog Ustavnompravnoj komisiji na 9. sjednici Predstavničkog doma, održanoj 23.5.2007. (razmatranje zahtjeva u skladu s članom 156. Poslovnika Doma).**

Nakon rasprave, Ustavnompravna komisija jednoglasno je zaključila da ne postoji poslovnička odredba na osnovu koje bi Ustavnompravna komisija dala odgovor na ovako formulirano pitanje.

S obzirom da nije bilo više pitanja, sjednica je završena u 11,30 sati.

**SEKRETAR KOMISIJE**  
Igor Bajić

**PREDSJEDAVALAČI KOMISIJE**  
Šefik Džaferović